



**JAVNA USTANOVA ZA PREDŠKOLSKI ODGOJ I OBRAZOVANJE**

**„NAŠE DIJETE“ TUZLA**

**KREČANSKA BROJ 3, 75000 TUZLA**

**ID BROJ: 4209046740000    CENTRALA/FAX: +38735369920**

**n-dijete@bih.net.ba    www.nasedijete.ba**

Na osnovu člana 70. i člana 88. Zakona o javnim nabavkama („Sl. glasnik BiH“, broj: 39/14), člana 27. Pravila Javne ustanove za predškolski odgoj i obrazovanje „Naše dijete“ Tuzla, a na prijedlog Komisije za javne nabavke, direktor Ustanove donio je sljedeću

**ODLUKU**

**o izboru najpovoljnijeg ponuđača**

**I**

Kao najpovoljniji ponuđač u postupku nabavke proizvoda od mesa peradi (piletina i puretina) za potrebe JU „Naše dijete“ Tuzla, provedenog putem konkurentskog zahtjeva za dostavljanje ponuda, izabran je privredni subjekat „Redex“ d.o.o. Banovići.

**II**

Zadužuje se službenik za javne nabavke da obavijesti ponuđača o izboru najpovoljnijeg ponuđača iz člana I ove odluke.

**III**

Zadužuje se Služba za pravne, kadrovske i opće poslove da pripremi sve predušlove za zaključenje okvirnog sporazuma sa izabranim ponuđačem po proteku predviđenih zakonskih rokova i procedura.

**IV**

Vrijednost ove nabavke iznosi 16.999,60 KM bez PDV-a i ista se uklapa u procijenjenu vrijednost nabavke iz Plana nabavki za 2021. godinu br. 04-11-767-1/2021.

**V**

Odluka stupa na snagu po konačnosti, a dostavlja se svim ponuđačima koji su učestvovali u postupku javne nabavke, u skladu sa članom 71. stav (2) Zakona o javnim nabavkama i biće objavljena na internet stranici JU „Naše dijete“ Tuzla u skladu sa članom 70. stav (6) Zakona o javnim nabavkama BiH („Sl. glasnik BiH“, broj: 39/14).

**OBRAZLOŽENJE**

Na osnovu Zahtjeva za pokretanje postupka javne nabavke br. 01-11-2607-1/2021, direktor Ustanove je donio Odluku o pokretanju postupka nabavke po konkurentskom zahtjevu za dostavljanje ponuda br. 01-11-2607-2/2021 od 06.08.2021. godine. Postupak je objavljen na Portalu javnih nabavki BiH broj obavještenja 1194-7-1-63-3-19/21 10.08.2021. godine, a poziv za preuzimanje tenderske dokumentacije sa Portala je upućen privrednim subjektima: „Euro meat“ d.o.o. Maglaj, „Redex“ d.o.o. Banovići i „Bosna-kom“ d.o.o. Gračanica, dok je predmetnu tendersku dokumentaciju u sistemu „E-nabavke“ preuzelo 10 (deset) privrednih subjekata.

Nakon prijema ponuda, Komisija za provođenje postupka javnih nabavki, imenovana Rješenjem br. 01-11-1144-1/2021 od 12.04.2021. god., konstatovala je da je ponudu predalo 2 (dva) ponuđača, „Robot general trading Co“ d.o.o. – broj protokola 01-11-2863/21 i „Redex“ d.o.o. Banovići – broj protokola 01-11-2919/21.

Komisija je izvršila otvaranje, pregled i ocjenu pristiglih ponuda i utvrdila sljedeće:

- blagovremeno je ponudu predalo 2 ponuđača;
- nije bilo neblagovremenih ponuda;



**JAVNA USTANOVA ZA PREDŠKOLSKI ODGOJ I OBRAZOVANJE**

**„NAŠE DIJETE“ TUZLA**

**KREČANSKA BROJ 3, 75000 TUZLA**

**ID BROJ: 4209046740000      CENTRALA/FAX: +38735369920**

**n-dijete@bih.net.ba      www.nasedijete.ba**

- ponuda ponuđača „Robot general trading Co“ d.o.o. je ocijenjena neprihvatljivom jer ponuđač u svojoj ponudi nije dostavio odgovarajuće potvrde o uredno izvršenim ugovorima u smislu dokazivanja ispunjavanja uslova iz člana 48. i člana 49. Zakona o javnim nabavkama BiH („Službeni glasnik BiH“ br. 39/14). U tački 3.3.2. tenderske dokumentacije je navedeno da je ponuđač, u cilju dokazivanja uslova iz tačke 3.3.1. pod a) tenderske dokumentacije, dužan dostaviti spisak izvršenih ugovora koji su u vezi s predmetnom nabavkom (nabavka piletine ili puretine) za period ne duži od 3 (tri) godine a čija ukupna vrijednost odgovara minimalno procijenjenoj vrijednosti nabavke. Uz spisak je potrebno priložiti i potvrde (minimalno 2 potvrde) o uredno izvršenim ugovorima koje ponuđaču izdaje druga ugovorna strana o njihovoj realizaciji.

Ponuđač je u ponudi na str. 50. dostavio Potvrdu bez broja od 14.06.2021. godine izdatu od strane Međunarodne organizacije za migracije kojom se potvrđuje da je kompanija „Robot general trading Co“ d.o.o. uredno izvršila preuzete obaveze iz 3 ugovora iz 2018., 2019. i 2020. godine.

S obzirom da se iz navedene potvrde ne može tačno zaključiti da li se realizovani ugovori mogu dovesti u vezu s predmetnom nabavkom (nabavka piletine i puretine) jer je u dostavljenoj potvrdi naveden predmet ugovora meso i mesne prerađevine, Komisija za javne nabavke je zaključila da se iz iste ne može utvrditi da li se i u kojem iznosu navedeni ugovori odnose na nabavku piletine i puretine, odnosno proizvoda od mesa peradi, a što je jasno definisano u tački 3.3.2. a) tenderske dokumentacije. Ponuđač je na str. 49. svoje ponude dostavio Potvrdu bez broja od 24.08.2021. godine izdatu od strane privrednog subjekta „Help“ Sarajevo u kojoj je kao predmet ugovora navedena nabavka piletine i ovu potvrdu Komisija je uvažila, ali s obzirom da je tenderskom dokumentacijom traženo da ponuđači dostave minimalno 2 potvrde, Komisija je zaključila da je ponuđač „Robot general trading Co“ propustio da ispuni traženi uslov.

Takođe, u istoj tački tenderske dokumentacije je navedeno da je ponuđač obavezan dostaviti spisak izvršenih ugovora, koji su u vezi s predmetnom nabavkom za period ne duži od 3 (tri) godine a čija ukupna vrijednost (zbir svih ugovora) odgovara minimalno procijenjenoj vrijednosti nabavke i da se realizovan ugovor na potvrdi mora naći i na spisku izvršenih ugovora. Ponuđač je na str. 41.- 48. ponude dostavio Referentnu listu br. 1262/21 VM, na kojoj se ne nalazi potvrda privrednog subjekta „Help“ Sarajevo i iz koje se ne može nedvosmisleno utvrditi koji ugovori se odnose na ugovore navedene u potvrdi dostavljenoj na str. 50. izdatu od strane Međunarodne organizacije za migracije tako da je ponuđač propustio da dokaže i ovaj traženi uslov. Zbog svega navedenog, Komisija je ponudu ponuđača „Robot general trading Co“ d.o.o. ocijenila neprihvatljivom i ista je odbačena u skladu sa članom 68. stav (4) tačka i) Zakona o javnim nabavkama BiH („Službeni glasnik BiH“, broj 39/14).

- u tenderskoj dokumentaciji je predviđeno provođenje e-aukcije, u skladu sa Pravilnikom o uslovima i načinu korištenja e-aukcije („Sl. list BiH“ broj 66/16 od 06.09.2016. godine), ali s obzirom da je pristigla samo jedna prihvatljiva ponuda, planirana e-aukcija nije zakazivana, nego je postupak okončan u skladu s članom 69. stav (1) tačka a).

U postupku donošenja ove odluke, posebno su cijenjene činjenice da je Komisija pravilno i potpuno izvršila ocjenu kvalificiranosti ponuđača, kao i ocjenu pristigle ponude, shodno kriterijima iz tenderske dokumentacije, te da je izbor izvršen u skladu sa Zakonom o javnim nabavkama („Službeni glasnik BiH“ broj 39/14), podzakonskim aktima i tenderskom dokumentacijom. Shodno tome, ugovorni organ je, prihvativši preporuku Komisije, konstatovao da najpovoljniji ponuđač ispunjava uslove i da se ponuda uklapa u finansijska sredstva predviđena za ovu nabavku, te je iz tih razloga odlučeno kao u dispozitivu.



JAVNA USTANOVA ZA PREDŠKOLSKI ODGOJ I OBRAZOVANJE  
„NAŠE DIJETE“ TUZLA  
KREČANSKA BROJ 3, 75000 TUZLA  
ID BROJ: 4209046740000    CENTRALA/FAX: +38735369920  
n-dijete@bih.net.ba    www.nasedijete.ba

**Pouka o pravnom lijeku:**

Protiv ove Odluke može se uložiti žalba Uredu za razmatranje žalbi putem ugovornog organa, u roku od 5 dana od dana prijema i ista se podnosi pismeno putem pošte ili direktno na protokol Ustanove u objektu „Pčelica“ u Tuzli, ul. Krečanska 3. Ponuđač je dužan dostaviti žalbu u dovoljnom broju primjerka.

**DOSTAVLJENO:**

1. Ponuđaču x 2
2. Spis
3. A/a



DIREKTOR

Karić Sanja, dipl. iur /

Broj: 01-11-2607-8/2021  
Tuzla, 08.09.2021. godine